

上饒縣志卷十

人物

一代之才為一代用大者澤一世小者化一鄉立綱定紀
居德善俗史傳備矣夫合一代之人而賢否並存即一人
之身而美惡互見明是非垂法戒也邑乘則專于表微著
美立德立功善無不錄以備採擇蓋深有望于繼起者前
後相望也士患不自奮耳盛衰升降豈有常哉

唐

王貞白字有道靈溪人乾寧進士先是崔凝典文衡不協
士論上詔陸扆覆試武德殿貞白占優等授校書郎遭時
不淑隱居教授以道學自任四方學者宗之有靈溪集行
世

上饒縣志

卷十

人物

按信乘續葑貞白上饒人今祠永豐以墓在豐故耳集
名靈溪靈溪在上饒二十里且豐自乾元間析上饒為
縣元和復省入上饒則為上饒可知作永豐人誤

鮑嘉福 虞鎔真 皆事親居喪著至行者見新唐書舊
志上饒有鮑嘉祐祐字恐福字之誤又有鄭容虞容而無
虞鎔真亦恐虞鎔真一人誤作二人或別有據未可知也
拈出俟考 信乘續葑

宋

余堯弼字致勳政和進士初調衢州兵曹守李友聞以台
輔器目之嘗曰兵曹風度絕類吾舅劉公劉公謂丞相正
夫也歷任靜樂餘干安仁皆有惠政知祁門務以德化人
民服其德量指邑之祁山曰雖臯是寘公腹中不礙也累



官御史中丞除端明殿學士簽書樞密院事叅知政事嘗使金專對有體金主憚之未幾乞解機務翛然林下與漁樵伍忘其貴且齒云

按堯弼家乘載勅建屋在城西今子孫居南鄉上瀘由宋迄今衣冠不替實信之望族云

徐中行字元立政和進士唱名日自陳其父年八十九願以所應得官榮親上曰此可厚薄俗詔其父別以官命之施師點字聖與十歲通六經十二能文弱冠遊太學廷對調復州教授以陳康伯薦賜對謂金非誠服不可以和故緩脩宜增修聖德固結人心申軍法節國用屯田積穀為自治策上稱善命試館職尋因旱潦陳足國裕民五事悉見施行除秘書省正字時陳俊卿除吏部尚書舉點自代

上饒縣志

卷十

人物

二

遷校書郎與國史編修會有小嫌于點者摘其細故出知池州安撫使劉珙曰池守真儒者之政也狀其事以上名還除秘書丞兼權禮部侍郎遷給事中時太子詹事已除上又特令增員為二命兼之假翰林學士知制誥使金致命金廷立班既定相儀者以親王將至命師點退位屹立不少動使還除端明殿學士兼叅知政事同知樞密院師點嘗同宰相奏事退復同樞密周必大進呈上曰適一二事卿等各陳所見甚闕大體前此宰相奏事執政不措辭今卿等如此深副所望除知樞密院事以資政殿大學士知隆興府江西安撫使卒年六十九有奏議十卷制藁八卷東宮講義五卷易說四卷史識五卷文集八卷

信乘續葑辨施師點宜從宋文為上饒人又本傳載云

先是州郡上供或不時以進立歲終稽考法及是有喜為督促者乞不待歲終先期行之點矍然曰此策若行上下逼迫民不聊生或謂命已出曰事有為天下病惟恨更之不速即追寢其議周必大曰使天下赤子不被毒者公之賜也其它大節尚多云

徐珣字溫甫高宗朝進士授辰州教官為刑定編修轉池州判官有美政尋致仕所著有語孟解易解學者多宗其說

湯抗字御之以才畧薦用嘗知盱眙紹興辛巳為淮西運使錫山尤表為著事實子恂字信伯登進士第文學推重于時

王時敏字德修屏門里人學有源流兼該體用嘗從呂東上饒縣志

卷十

人物

三

萊遊與朱子友善卒葬本都湖潭朱子哭以詩曰不到湖潭二十年湖潭依舊故山川聊將杯酒奠青草風雨蕭蕭憶昔賢所著師說語孟中庸大學說并雜文若干卷

朱有

余大雅字正叔德性和粹器量宏遠聞朱子講道閩中毅然往師之志道篤問難詳朱子嘉其勤平居問答僅存語錄刻于江東庾臺

陳文蔚字才卿朱子門人著書立說如論戒懼慎獨誠意之說深得旨趣朱子與手書往復互相論正所作州學修禮器記亦推尊朱子而儀式焉隱居講學有文集所著更見四書集成

徐斯遠字文卿抱道自守不求聞達有文集今已不傳獨葉水心評其文集有鋪寫縱放體勢各成詩險而肆對面

岸壑咫尺千里又云初渡江時上饒號稱賢俊所聚如漢許下晉會稽焉風流幾泯議論將絕斯遠與趙昌父韓仲止扶植遺緒以文達志為後生法之語見于馬貴與通考前志失載今補入

按朱子門人有斯遠名而詩文又見稱于葉氏今志中王有道墓碣文是其手筆亦可以得其大概云

徐元杰字伯仁幼穎悟日誦數千言每冥思精索聞陳文蔚講學鉛山往師之後師真德秀紹定五年南省廷對皆第一簽書鎮東軍節度判官名為秘書省正字遷校書郎奏否泰剝復之理因及右轄久虛非骨鯁者艾不可輕畀又言皇子茲當置後宮早立太子蔣峴力辨其說遂請外不許遷著作佐郎兼兵部郎官以疾辭差知南劍州會峽

上饒縣志

卷十

人物

四

陽寇作擒渠魁八人斬之餘釋不問母憂去官免喪授左司郎官兼崇政殿說書時天久不雨極論洪範感應之理及古今遇災修省之實辭益忠懇丞相史嵩之丁父憂有詔起復中外莫敢言元杰言聞有奪情之命雖未知其避就若何凡有父母者莫不失聲涕零是果何為而然人心天理誰實無之臣懇懇納忠何敢詆訐特為陛下愛惜民彝為大臣愛惜名節而已疏出朝野傳誦未幾兼右司郎官拜太常寺卿兼國子祭酒權中書舍人杜範入相復延議軍國事所言皆朝廷大政邊鄙遠慮每裁書至宗社隱憂處輒擱筆揮涕書稿隨削雖子弟無有知者六月朔輪當侍立以暴疾謁告特拜工部侍郎隨乞納祿詔轉一官致仕卒太學諸生伏闕愬其中毒獄迄無成海內人士傷

之賜謚忠愍

周伯輝字亮堂號渾齋讀書力行不求聞達唯怡情詩酒適意林泉與陳克齋相友善往來唱和一時稱極盛焉著有求志堂集四卷兵變散失故德行文章不見于世云

克齋遊山記

徐珏字叔寶寶祐間為餘干令每決疑獄人頌神明

鄭夔字景南建昌南城學判優于學行居鄉孝友賑貧周急鄉隣德之相傳淳祐二年春且忽大雷電有金龍凌空而下入其家化為銀錢悉進於朝授廸功郎賜本都官庄坂田若干石至今子孫蕃衍世名鄭家坊

徐直方字立大元杰長子性淵靜嗜學尤邃于易度宗朝舉明經授廣東路經畧使後特授起居郎兼侍講

上饒縣志

卷十

人物

五

葉子仁善推算占筮言如破的歲乙酉真文忠方在班子仁以書勸外補甚力未幾果去國子仁每推論五行輒以善行相勉真文忠以為有君平風嘗贈詩云易象推占妙入神勸人忠孝更諄諄只今誰似君平術唯有南陽賣卜人

徐宗仁字求心元杰族子也淳祐進士官國子監主簿開慶元年上書極論邊事又論董宋臣盤固日久蒙蔽日深又請有言責者皆得盡其言累遷考功郎兼崇政殿說書國史編修實錄院檢討德祐元年授吏部侍郎中書門下檢正諸房公事權禮部尚書兼益王府贊讀衛益王走海上厓山敗死焉宋史論曰宗仁國亡與亡與枋得欽喏以全臣節皆宋末之卓然者也

按宗仁號芳溪追謚忠肅舊誤載永豐今考宋史及家乘補入

陳苑字立大靜明其齋名也自少穎異專陸氏之學宋亡遂絕意仕進教授生徒元史所載江東大儒若李存祝蕃舒衍吳謙者皆出其門從子輔孫彥清尤能世其學

按府志載貴溪人今按李存所為墓誌銘乃云上饒人至順庚午卒明年殯于邑東郭塋于瑜山皆上饒地故補入李存墓誌銘見侯菴集

元

劉光字自謙延祐進士授翰林編修少承家學一時名士爭與之遊稱之曰泉山先生祖養拙受學黃勉齋得居敬窮理之要號白石先生光因創白石書院祀朱文公而配

上饒縣志

卷十

人物

六

以勉齋又建義塾置義田以贍鄉子弟之來學者朝廷嘉其行誼旌表其門

祝堯字君澤博學能文延祐進士授南城丞改江山令陞萍鄉州同存心撫字蒞政惟勤獄清訟革吏畏民懷所著有太易演義四書明辨策學提綱古賦辨體

楊亮字叔明元高士也與錢惟善為友子觀至順二年進士為翰林檢閱亮卒錢惟善輓詩有身入波濤親在念恩沾雨露子登科之句載江月松風集采省志增入

方思廣字可大至正三年知連州增學田立義塚勤撫字吏卒無敢恣者既去士民紀績學宮至今尚存廣東名宦志

陳受事母至孝至正初伯顏不花的斤守信知受有勇力募為義兵累以戰功擢千長會陳友諒來攻伯顏不花的

沂自盡受辱戰敗被擒痛罵不屈賊焚殺之
董文傑字庭川二都鶴巢人元至正甲午舉六令長樂以
廉能著調在居卒于官初令長樂時惠政下逮去之日民
不忍捨繪真祀之仍別寫小焰題咏德意進之以示不忘
至今子孫猶珍藏焉

明

陳修字伯昂從太祖平浙東授理官援引律令悉本寬厚
盡改元季苛政擢兵部郎中遷濟南知府濟南屢經兵燹
此戶彫殘且多衛將練兵屯田其間修至調劑有方民相
安洪武四年拜吏部尚書六部之制元年吏部滕毅裁定
銓除考課諸法猶未盡一修偕侍郎李仁詳考舊典參以
時宜按地刷僻為設官煩簡元廢司黜陟及課功覈實之
法皆精心籌畫銓法秩然未幾卒官後宣宗采其在吏部
時議處事條載諸五倫書采明史增入

上饒縣志

卷十

人物

七

徐觀道洪武初以文學赴召試天地廟社山川鬼神諸論
稱旨授翰林院檢討署吏部考功郎中乞骸陛辭上稱之
曰善人有遺文藏家

許穆洪武初以明經薦任政和縣丞多惠政以廉能稱穆
丞政和得磁石助庶事詳具嚴從簡周咨錄真臘傳中信

續

游志遜洪武間以廕授廣西興安丞入朝作應制詩擢御
史舉劾不避權貴上稱忠直御史陞四川僉事

王自枚洪武間以人材用歷官至兵部職方司郎中永樂
三年從英國公出征交趾卒于軍采省志增入

楊廣仁永樂間任虞城縣令百廢具興兩賜應禱嘗以累繫獄百姓詣闕白其寃得釋仍詔還職尋擢河南僉事及卒老稚遮迎其喪泣送者千百人

鄭雅字仲平以監生調和鄉簿之官以一僕自隨每與令長部使者爭不便面頸時時發赤繼判安節奏蠲逋稅病革戒僕飭後具無受賻歸裝一敝篋朝祭服外家訓十四條而已孫毅舉進士累官御史以治行聞

趙學拙由鄉貢任句容教諭陞襄府教授深為親王禮重及致政歸道範式俗鄉論優崇

李柰字景春舉進士歷官吏禮二曹擢廣西叅政奉使協贊兩廣軍務韓雍平徭之役與有功焉平生謙謹不伐樂善知止歸田進學不倦尤為士大夫所尊仰云

汪仲庸名誠道文學該博事母以孝聞永樂間為金華教授入朝上詩乞移就養調本縣學訓導

姜諒字克貞有志絕學聞吳與弼在臨川往從之一日與弼治地名諒往視云學者須親細務諒素豪邁由此折節雖掃除必身親之景泰四年舉于鄉天順末選成都訓導尋歸閉門著書成日錄四十卷三禮訂訛四十卷謂周禮皆天子之禮為國禮儀禮皆公卿大夫士庶人之禮為家禮以禮記為二經之傳分附各篇如冠禮附冠義之類不可附各篇者各附一經之後不可附一經者總附二經之後其為諸儒附會者以程子論點之著春秋本意十二篇不採三傳事實言是非必待三傳而後明是春秋為棄書矣其學以收放心為居敬之門以何思何慮勿忘勿助為

居敬要旨後羅欽順謂其禪學豈定論與

章敬思靈山鄉人正統六年飢出穀二千一百石運至京師賑濟知府金銑知縣王誼錄其事以聞旌為義民仍免本戶雜派差役五年今勅尚存

章敬端章善宗章善能皆敬思族人景泰三年飢端出穀六百石賑救恩賜七品官職宗與能亦師其所為出穀六百石朝命立石記義至今石存里門

周文字煥章號復齋遊吳康齋門刻意理學不樂榮進以身率物睦族敦讓歲飢常作粥以活鄉之貧乏終其身家無異爨者

朱仲舒字克明世居水南上邨沉密有志自恥身為齊民無由建白乃置義田以贍族之貧而無養者立義學以教上饒縣志

卷十

人物

九

族之貧而無師者御史蔣欽為之記未軒黃公督學至郡造廬訪焉子汝揚任楚茶陵歸承父志贍里族不衰尚書楊麒有志

按省志載有上饒王庭槐以孝義稱舊志失載為附其名于此

王讓字謙光由進士授給事中屢觸忌諱不以禍怵一時權貴深憚之里人相軋者因希風旨嗾言官誣劾出補濟南通判再擢楚雄知府太傅黔國公以下重其素望咸咨以邊務焉平生章疏最多燬不存方擬大用以入覲遇家而卒

姜謙字克讓成化進士任御史嘗督南畿陝西學政以躬行實踐為教士類風動時汪直新貴能禍福人謙絕不與

接銜之使邏校伺察竟莫聞陞四川左布政使以疾卒官
蔣濛字子川由進士歷官兵曹出知福州府境內大治郡
有靈濟宮例遣中官歲易時衣糜費供億以萬計濛奏請
以有司行禮罷遣中官閩人賴之

汪文彪隱居讀書有士行每論古今人事得失必折以理
不事詭隨學者多宗之

方崇字遜夫成化舉人未仕時授徒講學弟崙從弟壻壻
鄭毅皆從受業一時及門登第者甚衆後任德安府通判
以弟崙忤逆璫慨然掛冠歸

陳紳字廷章成化舉人弘治間任兗州府教授丁艱歸當
道咸致禮幣補任寧波提學趙寬嘉其教範諭兩浙師儒
法焉陞黔江知縣彝民塔木宋者為黔積患紳至以德化

上饒縣志

卷十

人物

十

之黔民遂安尋謝病歸

楊福字伯昌由監生拜藍山丞鄰邑安仁衡山民獠錯居
告訐視藍滋甚歷官不能平部使因奪其篆而以福署之
既至不數月績用茂著將遷秩移疾歸子麒舉進士累官
南工部尚書

姜忱字誠善幼有奇質落筆驚入不徇時好連不得志晚
以歲貢授歸安訓導尋棄官歸憂其兄之所為托疾不下
樓者十年戶部侍郎邵公二泉呼為樓上先生其兄死乃
下樓國母之喪例受衰服忱獨以弔服受事且力陳古義
却之幾為宸濠捶死賴都憲王陽明救解得免卒以妃族
被逮死獄非其罪也門人夏尚朴為銘誌

方崙字靜夫號石山弘治進士授桐城知縣擢刑部主事

自題其畧曰九重丹闕懸心切四海蒼生入夢頻以釋寃
獄忤璫瑾意解官歸築書院于城西授徒講學肅宗朝詔
復職會卒勅贈員外郎奉直大夫著有石山集子洋號湘
源為王陽明高弟以貢監授鎮東衛經歷辭不受著有講
學語錄湘源詩集洋子良棟良杞良樾樾號桂軒舉明經
杞號印沙郡庠生同社鄭鐵耕祝無功江靜菴張合溪皆
器重之著有印沙集

鄭毅字立之如治進士官南京職方主事歷湖廣叅政轉
浙江左布政陞四川巡撫擢兩淮總漕所在有聲為當時
名宦致仕家居十三年著作甚富燬于火僅存巖山集

李艾字子芳號靈巖嘗師事姿諒諒雅器之有讀殘蕭寺
三更月踏破青山萬里雲之句如治乙丑成進士選庶吉

上饒縣志

卷十

人物

十一

士授浙江道御史以斷獄見重中丞屠公遂令兼視閩楚
滇黔晉各道事會土官岑某以罪逮獄厚賂諸權貴貫免
艾庶得其情竟寘于法逆瑾怙勢率同列伏闕叩諫有旨
罰跪時盛暑多僵仆艾獨挺然繼按獄粵中洗寃牘者無
算丁內艱歸結社于城西周公墩有堂曰靜養亭曰日涉
與士大夫賦詩其間子瓘以監貢任沅陵丞再世孫仲顥
字儒貞由恩貢歷官漢中知府先是顥任襄陽府丞官兵
進勦山寇顥隨營給餉會師失利被執慷慨曉以大義賊
皆感愧有布幄紀事李還敬聞于時進福州知府惠庶兼
著士民懷之有三山頌言

楊麒字仁甫號四泉藍山丞福子也正德進士歷官工部
尚書積學能文隨事輒辦嘗建蘆溝橋往來德之所著文

集若干卷燬不存

桂榮字君用以舉人歷官至監察御史按部湖廣摘發如神自旦至暮斷獄百宗立釋疑獄民人以為神善詩歌古文辭有桂軒詩刻行世

葉鏜字汝聲號少巖廣南守鵠子也嘉靖進士選庶吉士補兵科給事中彈劾不避權貴以言事稱旨命總理六科事京中稱都諫先生時嚴嵩當國馮懋卿以假子得幸奉勅督理八省鹽課信食浙鹽故無齟使巡歷懋卿嗾御史宿應參疏請得按信如浙直例鏜手疏糾之上嘉納為寢前詔他如陳國是六事罷遣修邊大臣劾遼東撫臣失律糾司計大臣不職裁革閩浙添設巡撫以省隔屬供億及嚴會計停加賦處運糧議漕儲纚纚萬言皆時政之大者

上饒縣志

卷十

人物

十三

上悉報可累擢京兆尹南大理卿少司寇晉秩尚書致仕歸卒于家生平著作甚富會子濟美以蔭仕卒京邸未刻弟鈞癸卯舉人官至廣西僉判

楊時喬字宜遷號邱菴嘉靖進士授工部主事力革中璫私用衛卒權稅杭州令商人自署所入輸之擢禮部郎遷南尚寶丞萬曆初以養親去起南大僕丞移疾歸時喬無意榮進再起再告闕十七年始薦起尚寶卿四遷南京太常卿疏請定建文謚祠死節諸臣遷通政使秩滿連章乞休不允召拜吏部左侍郎苞苴屏絕及大計京朝官首輔沈一貫欲庇其私憚喬方正將令司馬蕭大亨主之次輔沈鯉不可時喬乃與都御史溫純共抑政府私人若錢夢皋張似渠于永清輩咸在察中又以年例出給事中鍾兆

斗于外一貫密言于帝特留夢臯已而盡留科道之被察者嚴旨責時喬等報復夢臯既留遂合北斗累疏攻純并侵時喬及純去時喬嘆曰主察者逐爭察者竄尚可覘顏與此乎九疏引疾不得請時中外缺官多不補而羣臣給假養病及建言註誤被譴者率不獲名時喬乃備列三百餘人三疏請錄用復列上謫鄒元標等九十六人削籍范雋等一百十人帝卒不省明年大計外吏時喬堅辭不任有旨詰責乃再受事一貫已罷而李廷機者一貫門生也閣臣闕推之惟給事中曹于汴宋一韓御史陳宗契持不可時喬卒從衆議時帝委時喬銓柄又不寘右侍郎一人獨理部事銓叙平允然中朝議論方囂動見掣肘自溫純去久不置都御史無以鎮壓百僚由是上下相凌紀綱日

上饒縣志

卷十

人物

十三

紊言路得收其柄時喬乃多方委蛇調停其間議者諒其苦心不甚咎也秉銓凡五年而卒篋餘敝裘同列賻以殮詔贈吏部尚書謚端潔所著有南閣權事周易諸經全文古今字韻全書大學古本書經四書古今訓解禹碑釋先師與朱子圖刻行于世

王建中字懋德號信南子生八月而父逝母毛氏和丸課讀嘉靖甲辰領鄉薦授蒲江令丁大母憂起補潛江令築湯家等堤以障狂瀾遷大興尹市地建屋以棲貧民會臺省交薦授比部卽推心平反全活無算擢知大理府抵郡滇俗有同姓為婚者禁之歲例有樣金七十兩為太守壽卽革去勒碑示後導入覲解組歸退休十餘年卒八十五舉祀鄉賢有集行世

鄭邦福字洪範號鐵耕隆慶進士授明知州政尚寬大
滇人德之陞水部司副轉曾即奏使印楚因多所平反
補福建僉事遷粵東兵備時必氛方訂邦福至嚴斥埃
謹巡邏備禦有方人倚為重晉南岡鄉卒于道所著有采
真遊蓮花國若干行世

王夢賜字鰲磯萬曆進士授安慶府推官時郡有虎食人
夢賜為文禱于神三日虎自斃以丁艱歸尋卒舉祀鄉賢
方之北字文斗號拱垣萬曆乙酉亞魁任望江教諭遷景
寧知縣適歲旱禱于敬山宮甘霖立沛邑稱大有遷澧州
知州致仕歸講學石山書院吉水鄒南臯嘗贈聯云雲中
彩鳳翔千仞林下春風第一人

上饒縣志

卷十

人物

高

余桂芳號毓蟾萬曆舉人初為彭澤縣諭遷孝感知縣廉
惠有聲遷巴州知州值歲歉捐俸買穀置廠設粥全活無
算邑有寒士夏時亨者每夜讀篝燈達旦桂芳出巡夜訪
知其貧分俸助讀時亨果成進士稱為知人在任四年移
疾歸與實選者再卒祀鄉賢

鄭以備字子器號方水萬曆進士授翰林院檢討典壬子
浙江鄉試冊封德安王轉右春坊右諭德戊午典江南試
又典庚子武場會試陞禮部右侍郎晉詹事府少詹事兼
翰林院侍讀學士恭昌時進階四品天啟初進階三品充
經筵講官實錄副總裁進加太子賓客二品服俸奉命冊
妃陪琉球國使俱如禮歷吏部左侍郎轉禮部尚書以講
筵至此逆璫上疏乞歸崇禎朝入閣辦事上每召對平臺
積勞卒于官賜葬祭謚文恪所著有醋溝社制藝靈山藏

懷王藏明府藏山上山笨卷吟洩泥集彌戾車鸚鵡車杜
吟藝苑張仲師小艸雨存篇滄海蠡畫壺集猶奕篇諸刻
行世

徐士俊號六石萬曆甲午舉人任六合知縣以治行徵授
工部主事進刑部員外審魏璫陟幽廢一時稱為健吏陞
鶴慶知府未任歸築室林泉以壽終

楊聞中號尊止侍郎時喬子以蔭授工部都水司主事尋
權荆門稅師先侍郎權武林關法一無所擾陞南寧知府
解組歸以遊武彝山水會邁疾卒崇安五夫之天竺菴

黃清起吏員以清勤積官嘉興府同知加四品服俸築海
塘有功後以運同治高寶河堤積勞死于寶應之寧國寺
蓋上官忌而擠之以沒也事聞贈卹有加見湧幢小品

上饒縣志

卷十

人物

十五

徐久德號裕元以監貢中萬曆丁酉舉人歷官至四川叙
馬瀘兵備副使值奢崇明倡亂變起倉卒攻陷南溪隆昌
等處焚掠甚慘久德百計綢繆練兵措餉設間招降凡五
閱月州縣俱平致政歸年八十餘卒

方應瀚字養冲號北溟萬曆舉人初授崇仁教諭邑有黃
金鼎者卑寒分糶養之踰年脫穎去遷隰州守值旱飛蝗
蔽天乃教民以姚崇捕蝗法蝗遂息轉山東濮州先是妖
賊王好賢徐鳴儒倡教白蓮孽流山東濮州為甚至則擇
捕密授以計混賊中盡得其情乃潛兵撲之前後俘八百
餘人黨遂平趙撫軍命籍其產令民得買以補透支餉費
乃料產值倍于餉程價賤售民有皂旗夜指白蓮散萬金
不染寒冰膽之謠在任二年謝政歸蔬食布袍怡然自得

嘗作詩曰三月無鹽常食淡一家露肘屢啼寒庭前一望
清如洗剩有南窓竹數竿兩與賓筵卒

鄭爾說字鼎殷崇禎進士知建寧縣考最擬補臺班以屏
跡權門得工部主政首輔某黨同伐異爾說上章極論忤
旨削職騎驢出都門後輔政以罪歸用原官起補癸未請
告還里澹于進取假館于德興縣之南溪鄉為童子師者
積二十年一日返衡門塗逢禦人刦衣笈將去審知爾說
即慚謝請死其信乎強暴若此

楊德彪字小虎改字內潛十歲能詩文古今書史一覽輒
記人謂有端潔少時天致癸酉補弟子員倡文社于邑刻
信風集以友教天下詞人墨客就質滿座遠于易有看遇
十七年之語尤善隸篆草書體法遒勁人多珍之壬午卒

上饒縣志

卷十

人物

十六

有竹閣集刻嚙語刻傳世

徐自定字慧後進士應雷子也家世藏書與其弟自寧考
訂古今反覆辨難一時名秀多宗之定以癸酉副榜貢寧
以丁卯闈為司李成弱翁所拔識俱不遇漫遊四方歸隱
桃花灘多詩歌古文辭藻寧尤善翰墨為賞鑒家所寶

王鄺字孟侯號偕五給諫讓之孫通守衮之子崇禎辛未
進士筮仕得文選為有力者所阻以刑部郎恤刑八閩全
活無算陞廣西督學轉金衢嚴紹大叅一攝藩篆兩署臬
司功著兩浙晉太僕卿歸終南村之雲霧山生平勤慎雖
位列罔矜而敝裘羸馬猶同寒素終身不置妾婢五子七
壻諸孫林立皆擅文名

鄭大環字婪尹文恪公猶子弱冠補弟子員開戶攻苦雖

族中罕有識其面者文恪每謂子閉戶攻苦若不怡情山水借資朋友將成一癖究竟何用乃遊涉四方受知于馬君常倪鴻寶何象岡黃石齋及鄉李孟白姜燕及楊機部已卯鄉試倂得復失遂絕意仕進撫文恪公遺事鐫曰退鐫備注較刻夏文愍公集時當事有開禁山之議上十不可事乃寢甲申養痾永豐雨石山學卒所著有編夜堂冲妍堂涓月園念一廬鴈外樓諸集惜子齷貧不能刻兵燹散失不全為可惜云

周曰產字倩六十三補郡庠工音律書畫尤精天官家言論雨時休咎無毫髮爽程九萬劉日杲輩咸稱畏友聞懷廟崩即痛哭流涕棄家財僮僕嚙血作書與友人訣別誓不手刃李賊不復生還竟飄然去莫知所終

饒縣志

卷十

人物

十七

鄭忠字吉夫幼聰穎十五入泮十六食餼試每冠軍國初隱太平山著述甚夥甲寅盡罹兵火惟存詩集一帙

鄭時用字龍臺少穎異淹貫百家擅詩古文辭領萬曆壬辰歲薦授東鄉訓母老辭歸養克敦孝道授徒講學杜門著述時稱為龍臺先生湖東道陸萬鍾郡守俞嘉言皆表其廬并有書解折衷

國朝

王德潘字為瀾邑庠生早失怙家貧事母至孝每食必俟母先會母病焚香祝天割股以療數罹兵燹雖重璽十舍必負母以行居常乏食采薺蕨充膳終身如一日順治十年縣令沈獅上其事前後巡按部院皆給銀絹旌額縣令趙希孔獎語有云父喪雖立母養烏依竭寸衷以格天心

守一經而全子道族里尊之

周毓華字光仲父結如由國學官司城遭戊子亂客死德興黃柏塘藁葬馬墩洲時毓華方幼扶母歸越一十七載往叔父骨封樹莫辨禱之神有徐老人指示獲骸以歸郡守曹鼎望司馬侯七乘司李黎士弼皆以詩表其孝感毓華亦著風木吟以自傷

王焞字炳若順治舉人授南昌府教授康熙戊午聘校楚關尋陞洪洞知縣洪俗尚奢侈焞力挽其風凡婚喪讌會之禮酌定八十二則名曰思深格言俗為一變暮年丁艱歸服闋不起徜徉山水十餘年卒年六十七著有吾廬藝艸菊洲詩文子坊歲貢堦廡生孫慎恒俱諸生

周元字孟祥五十四都人任雲南騰越副將吳逆叛署元

上饒縣志

卷十

人物

十六

偽總兵不就退居永昌 王師至蜀元與永昌偽將軍田進學偽總兵李鍾秀同謀反正鍾秀舉兵北勝元與進學舉兵永昌恢復順寧府雲龍州賊兵壓境衆寡不敵元被執不屈遇害

桂天申字重禧號愚山明御史桂榮之裔也穎異多識由歲貢授定南訓導遷蘇州吳縣縣佐時 王師入閩道經于蘇天申經理橋路以功陞雲南南寧知縣年老致仕歸與賓筵卒年九十七著有四書經濟說史論雜記草蛩吟行世

祝雷聲字震默順治丁酉舉人端方古朴不妄交與以著述自娛十三年閩變賊逼以偽職誓死不受迹跡獲免二十三年郡守孫世昌延脩郡志壽九十三有手錄四聲景

韻唐詩數百卷行世

余清字青子號梅菴壬子舉人時值閩變絕意仕進授徒講貫潛心理學及信初平部院董奉 旨賑濟清力陳民不堪狀乞免地徵合郡賴之壽七十四著作散見羣弟子記錄

周十三同姪周五三康熙十五年大兵恢復信郡分兵南鄉撲剿餘孽男婦逃匿周叔姪為兵所獲勒令引路搜掠婦女周實知所在佯辭不知兵割其股肉多而噉之叔姪相語曰寧死無陷害千百人也兵怒益剮其股肉殆盡而死惜二人俱無後

鄭世禮字周備邑庠生事父先意承志甲寅父為賊拘勒餉幾半載禮不避艱險脫父于難禮逝婦潘能承夫志孝

上饒縣志

卷十

人物

十九

養勇姑如禮子惟鈞及諸孫多遊洋

鄭兆湘字楚水邑廩生博淹群籍治春秋尤得其奧每訓子弟曰讀書非徒科第惟窮理致知明省身克己之要審待人處事之宜方切實用歲飢變產周卹無德色著文若干首名秀雅集弟兆津邑庠亦明敏過人

鄭國光字用賓號丁峯學優行潔郡守郭維筦修墨高銳俱延主義學選授南昌訓導設程課士衡文以清真古健為法盡掃時蹊沐其教者多掇巍科未幾致仕歸諸生憐戀不捨立去思碑于學御史朱鳳英為之記

鄭天祉字錫茲號退齋敦行古朴耽志經史由歲貢任萬年訓導課士之外毫不干涉或諷宜為子孫貧乏計者天祉曰吾聞以清白遺後人未聞以贖貨也學宮將圯倡修

之粵以老致仕歸後依然一室蕭然食貧而終
潘紳字一飛由拔貢任浙江三江場鹽大使廉而有能竄
田潮冲民受賂累紳申詳題請准豁民德之信食浙鹽郡
城商店俱就常山鹽埠價買而禁民肩挑故鹽價日昂紳
詳請死禁上憲准查議而紳卒于官識者惜其設施未竟
焉

賓選附

明

林森資性靈朗博覽異書家世業醫郡舉任醫學正科活
人之功最博

周烈字顯章景泰丙子歲歎傾資恤族隣有司上其事賜
義民坊于其里

上饒縣志

卷十

人物

二十

童伯熙字德明邑庠生輕財好施景泰四年飢捐穀六百
餘石接濟鄉里事聞旌為義民勒石誌之今石刻猶存

周誥號松亭古梁周邛人嘗建義學置膳田以待學者歲
飢設粥活衆後結精舍于墨山之陽與婁諒夏尚朴輩歌
詠徜徉至老不倦三與賓筵卒年八十

葉福正品端行縈弘治三年與飲選

余 激 四十五都人

余 瑄 四十五都人

周文六

五十都人 賴全活甚衆

國朝定鼎初歲飢嘗設粥以濟族里

盛廷梅字景初生平執禮恭謹樂善好施五子及姪孫輩
俱列膠序上憲屢旌其行

鄭志達字隱公天姿敏慧為文迅捷會戊子己丑兵荒即
棄帖括鬻產濟人年八十餘終

葉尚高性淳厚樂施與崇禎十一年膺飲典

余文會四十五都人

國朝

鄭文綸字宣之順治戊子飢米價騰貴文綸出穀四百石賑之

鄭祚元字公允學甚富不樂仕進康熙十年設粥賑飢全活甚多丙寅水災又出穀救之

祝麟娶龔氏麟年二十五而龔亡終不再娶康熙十一年飢罄廩以濟子姪未娶者竭力畢其姻子圭湖口訓導

徐達字子上有學行不求仕進著有靈岫集貧未刊行

盧柏字鶴齡甲寅避寇居玉山三十四都有鄭某妻被賊掠貧不能贖柏慨贈四十金終不取償柏無子年六十六

上饒縣志

卷十

實業

三

而生子壽八十九

鄭從華字德英為人卓犖自好康熙甲寅闖寇至掠其姪九賴去從華尋訪載餘重金贖歸鄰有富室藏金子從華塘水道中掘溝見之不取偵知為鄰物告使攫之厥後孫天眷舉于鄉人以為行義之報云

鄭一麟字若麒清潔自好甲寅寇脅之從不屈寇平勤理餘產妻俞氏繼佐之兩弟迭喪撫姪成立給以已業子國光任南昌府訓

王煊字幼宣年未四十而鰥不再娶生平好周人急寄居興安興之民目為長者

姚應章五十一都人生平謹厚自持鄉鄰重之龔大魁一生能以忠樸自守里閭奉以為式

鄭韶斗字北樞邑貢生性介而和積學安貧嘗受知于郡守張國楨後守星吏議韶斗率同志走秣陵白之其仗義如此

周志字孔末邑廩生家貧力學邑令李世珩延主義學數年不輕授一刺督學沈公傅公舉優行

余洵邑庠生性和易喜施濟邑東賣糕舖獨成石橋又首成通濟橋事見黃中驥記康熙丁丑歲歉洵穀盡買穀以濟鄉里子肅歲貢生能繼父志樂施不倦

趙繼瑞愿慈自守矜恤為懷年八十曾邀帑金賞賚督學沈邑令孟俱給額榮之

以上俱順治康熙年間

王世璧字子覲城隅人性醇謹好施與如三十八都五桂

上饒縣志

卷十

貢選

三

山保毋嶺下尤諸石橋皆獨力成之也

楊必經字英倫六十二都人 姚士英字越千五十一都人

楊曉字曙昭六十二都人 翁宗元字廣才一都人

彭大鼎字子貞五十三都人 劉文衛字康侯六十二都人

潘有仁字君德六十都人 鄭至奇字迥凡四十三都人

盧淇字繼美四十都人 李仕豪字廷英六十八都人

鄭祚基字子恭六十八都人 庠生執禮恭敏不櫻勢利准以課子為要務人有緩急量力以應又首成通濟橋見黃中驥記子三皆列官牆次紹淳乙卯拔貢

周忠諫字鯁臣六十都人 鄭正官字任賢四十都人

鄭長裔字天祚四十三都人 孫衛臣字五十五都人

劉光字輝亮城隅人 程可榮字仁傑五十六都人

葉銘之 盧懋熙

祝圭

字達夫六十六都人

周曰壽

字雲從五十四都人

葉承墉

四十九都人

徐圻

字慶道六十二都人

李元材

字簡臣四十都人

汪元楹

字淑丹四十都人

周和基

字開遠六十七都人

楊遠振

五十七都人

徐士鉉

字鳴也五十四都人

郭應雷

字漢臣三十七都人

楊必芳

字懋師六十二都人

任光亨

字承禧六十六都人

徐維培

字子瞻六十三都人

趙世福

字子守六十六都人

王濬

南陽人

毛煥

字民仰四十二都人

以上俱雍正年間

鄭銑

字順臣六十八都人

葉以庚

字宿白五十五都人

劉紹基

字克承城陽人貢生

程樸言

字淑齡四十九都人

應得壽

字永茂四十都人

方紹斌

字烈如四十二都人

上饒縣志

卷十

貢選

三十三

葉鍾元

鄭觀佑

二都人

徐維均

字秉臣六十三都人

周曰尚

字濟和六十一都人

龔鐸

字大德五十九都人

龔瑛

十九都人

汪煥

字紹堯四十都人

郭偉

字克昭三十七都人

周毅章

字可知五十都人

徐士乾

十二都人

王繼周

字爾泰

鄭大俊

字伯基四十三都人

周志清

字子魁

以上俱乾隆年間

上饒縣志卷十終